

٧- (أنا بشكر ربنا ومفیش أي زیاده .. فین وعد ربنا)

(لَنْ شَكَرْتُمْ لِأَزِيدَنَّكُمْ)!

خلینا نتفق علی حاجه .. طالما فی قانون ربنا ذكره فی القرآن
یعنی ده وعود مفهاس نقاش ..

كونها مبتحصلش، بقی إنت منفذتش القانون ده !

بقی لو مفیش زیاده فی حیاتك .. بقی مبتشكرش صح ..

فمحتاجین نعرف حاجتین :

-إزای نشکر؟

- إیه مفهوم الزیاده ؟

الشکر :

لما بتشکر أي حد علی حاجة عملهاك كنت محتاجها أوي
فهتشكره لأنه قدم لك خدمه .. وده معناه إنك شفت الخدمه دي
ولستها وبقیت مرضي بيها وممتن ..

كل ده حصل جواك فترجمته لحاجات كتير :

علامات رضا علی ملامحك .. مراعاة الخدمه إلیي أتعملت
والحفاظ عليها .. تفكير إزای ترد الجمیل ده .. التعبير بكلمات
إمتنان لده ..

فالشكر (شعور) قبل ما يكون (سلوك) وإختزلناه في كلمه
بنردها وبس (الحمد لله) !

كمية الحمد لله إللي بنكررها في كلامنا بعد ما بنسرد كم الهم
والغم والغلب ونختم ب يلا هنعمل إيه .. نصيبنا .. الحمد لله !!

شوهنا المعنى تماماً !

الشكر ده هو لبُ الإيمان ..

وجوده بياكد طول الوقت إنك واصل لمرحلة الرسوخ بينك
وبين الله ودي أكثر من الثقه ،الشكر بيخليك تعيش رحله نفسه
جواك .. تراكمات مشاعر لازم توصلك للإيمان وحب الله !

راسخ .. يعني واثق في كل تدابيره سواء منع أو عطاء ،الإيتين
بالنسبة لك نعمه ..

فبالتالي عندك بصيره تشوف النعم إللي في المنع ..

وبالتالي عندك صبر تصبر على المنع..

فبالتالي راضي ..

وبالتالي مقدر .. حاسس بقيمة كل شيء .. وبالتالي تحرص
على المحافظة عليها .. وبالتالي ممتن ..وبالتالي كل تفكيرك إني
إزاي أرد الجميل ده .. فتدور إيه ممكن يرضي ربنا عنك أكثر
عشان عمله ..

رحله تخليك مطمئن .. و كل حواسك ، قلبك وعقلك وروحك
ونواياك وأقوالك وأفعالك .. بتشكر الله .. ومن هنا بتيجي الزيادة!

(لئن شكرتم لأزيدنكم)

طبقت ده مع ربنا لازم هتطبقه مع الناس !

لأنه بقى منهج جواك ...

(من لم يشكر الناس لا يشكر الله) حديث شريف

واللي يشكر الناس .. يعني بيقدّر، يعني ممتن ، يعني عنده
رحمه ، يعني بشوش ، يعني جابر للخواطر، يعني هيسامح ، يعني
لين ، يعني محبوب ، يعني عنده أساسات (القلب السليم) ..

وهي دي أهم حكمه من حكم الإيمان ..

الطريق ل (القلب السليم)

طيب إيه مفهوم الزيادة :

بإختصار شديد في جملة

(هي راحة البال والطمأنينه بغض النظر عن النقص أو

الزيادة الملموسه)

لأنك والله لو معاك ملايين ومفيش راحة بال فده قمة
النقص !

مفيش إيمان حقيقي من غير شكر حقيقي ..

وتكلمة الآية :

(وَلَيْنَ كَفَرْتُمْ إِنَّ عَذَابِي لَشَدِيدٌ)

فمتستغربش العذاب إللي بتبقى عايش فيه ، بالك مش مرتاح
وقلبك وجعك ، إتعلم بس (شكر) وحياتك هتتحول !

